

О СОТВОРЕНИИ АДАМА

*ОТ КОЛИКА ЧАСТИ СОТВОРИ БОГЪ АДАМА**

О т ѣ л ѣ

Тѣло же убо челоуѣче от четырехъ составъ, рече, создано. Имат от огня теплоту, а от воздуха студеньство, а от земли сухоту, а от воды мокроту.

И индѣ пишет, яко Адамъ от 8 части сътворенъ бысть. 1-е от земля тѣло, 2-е от Чернаго моря кровь, 3-е от солнца очи, 4-е от вѣтра дыхание души его, 5-е от облака мысли его, добрыя же и злыя, 6-е от каменя кости, 7-е от Духа Святого, иже есть положилъ въ челоуѣцѣ правдѣ и часть от свѣта вѣка, иже нарицается Христос. 8-я часть от самого Христа дохновения — душа.*

Егда сътвори Богъ Адама и не бѣ имени ему. И възва Богъ 4-ре аггелы и рече имъ: «Ищите имени ему». Аггелъ Михаилъ иде на восток и видѣ ту звѣзду, ейже имя Анафола, и взят оттуду Азъ. Гавриль иде на полудне и видѣ ту звѣзду, ейже имя Адоръ, и взят оттуду Добро. Уриль иде на полунощье и видѣ звѣзду, ейже имя Машимъ, и взят оттуду Мыслѣте. Рафаиль* иде на запад и видѣ звѣзду, ейже имя Брионъ, и взят оттуду Ерѣ.

И приидоша пред Бога и рече: «Коа дори* отлучити, и чте по числу, и исправися имя то АДАМЪ». Рече Господь всемогий: «Тако възывается имя его». И рѣша вси аггелы: «Ты же, Господи, помилуй нас».